

Վարչական տույժ նշանակելու մասին

«25» հոկտեմբերի 2021թ

ք. Սիսիան

Ես՝ Հայաստանի Հանրապետության Պետական եկամուտների կոմիտեի Հարավային մաքսատուն-վարչության պետ Հայկ Միրզոյանս, ուսումնասիրելով Իրանի Իսլամական Հանրապետության քաղաքացի Մոստաֆա Նեմատի Խոսրոշահիի (անձնագիրը՝ W53664593) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

Իրանի Իսլամական Հանրապետության քաղաքացի Մոստաֆա Նեմատի Խոսրոշահին 15.09.2021 թվականին թիվ 05100041/150921/0034383 տարանցման հայտարարագրով Մեղրիի մաքսային կետ-բաժնով իր կողմից ՀՀ ներմուծված 24640կգ բրուտո քաշով նավթային բիտումը սահմանված ժամկետում մինչև 25.09.2021 թվականը ներառյալ, չի հասցրել նշանակման մաքսային մարմին՝ Արարատյան մաքսատուն-վարչության «Ապավեն» մաքսային տերմինալ:

Նշված փաստի առթիվ Հայաստանի Հանրապետության Պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 28.09.2021 թվականին հարուցվել է մաքսային կանոնների խախտման վերաբերյալ վարույթ՝ ՀՀ մաքսային օրենսգրքի 195-րդ հոդվածի հատկանիշներով, այն է՝ Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը:

Վարչական վարույթի շրջանակներում հարցում է կատարվել Հայաստանի Հանրապետության Պետական եկամուտների կոմիտեի Ներքին անվտանգության վարչության՝ Իրանի Իսլամական Հանրապետության քաղաքացի Մոստաֆա Նեմատի Խոսրոշահի սահմանահատումների պատմությունը ստանալու նպատակով: Համաձայն սահմանահատումների պատմության 24.09.2021 թվականին ժամը 21:05-ին քաղաքացի Մոստաֆա Նեմատի Խոսրոշահին Մեղրիի մաքսային կետ-բաժնով MACK մակնիշի 24B267-

10/24B268-10 պետհամարանիշի տրանսպորտային միջոցով ու կցորդով Մեղրիի մաքսային կետ-բաժնով անցել է ԻԻՀ:

14.10.2021 թվականին թիվ /23.1/65314-2021 գրությամբ հարցում է կատարվել ՀՀ Ոստիկանության անձնագրային և վիզաների վարչությանն Իրանի Իսլամական Հանրապետության քաղաքացի Մոստաֆա Նեմատի Խոսրոշահի հաշվառման վայրի և կացության քարտի վերաբերյալ:

20.10.2021 թվականի թիվ 54110-2021 գրությամբ ՀՀ Ոստիկանության անձնագրային և վիզաների վարչությունից պատասխան է ստացվել այն մասին, որ Իրանի Իսլամական Հանրապետության քաղաքացի Մոստաֆա Նեմատի Խոսրոշահի հաշվառման վայրի և կացության քարտ վերաբերյալ տեղեկատվություն առկա չէ:

ՀՀ Մաքսային օրենսգրքի 219-րդ հոդվածի 2-րդ մասի համաձայն.

Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

ԵՏՄ մաքսային օրենսգրքի 150-րդ հոդվածի 1-ին մասի 1-ին կետի համաձայն.

«Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայր՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

ՀՀ մաքսային օրենսգրքի 189-րդ հոդվածի համաձայն՝ մաքսային խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման

սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

Վարչական վարույթի նյութերի ուսումնասիրությունից պարզվում է, իհՀ քաղաքացի Մոստաֆա Նեմատի Խոսրոշահիին սահմանված ժամկետում Հայաստանի Հանրապետության մեկ մաքսային մարմնից մյուս մաքսային մարմնի մաքսային հսկողության ներքո գտնվող **ապրանքները** կամ տրանսպորտային միջոցը և **ուղեկցող փաստաթղթերը** չի ներկայացրել մաքսային մարմիններին:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ, 219-րդ, 221-րդ հոդվածի 1-ին կետի ա) ենթակետով և ՀՀ վարչական իրավախախտումների վերաբերյալ օրենսգրքի 32-րդ ու 234-րդ հոդվածներով,

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Մոստաֆա Նեմատի Խոսրոշահիին ՀՀ մաքսային օրենսգրքի 195-րդ հոդվածով սահմանված մաքսային կանոնների խախտում կատարելու համար ենթարկել վարչական պատասխանատվության՝ տուգանել **100 000 ՀՀ դրամ**:

2. Որոշման մասին հայտնել Իրանի Իսլամական Հանրապետության քաղաքացի Մոստաֆա Նեմատի Խոսրոշահիին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ մաքսային օրենսգրքի 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055՝ 100000 ՀՀ դրամ, նշել 30 կողմ:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ



ՀԱՅԿ ՄԻՐԶՈՅԱՆ